



QVÆSTIO MEDICA

Cardinalitiis disputationibus manè discutienda in
Scholis Medicorum die Iovis 8. Aprilis.

M. JOANNE-BAPTISTA DE REVELOIS,
Doctore Medico, Præsides.

An vinum Rhemenſe ſit omnium ſaluberrimum?

I.

IT A fato placuit nullius rei eodem loco stare fortunam. Quidquid à tempore duxit originem, eidem debet incrementum & finem. Frustra recurrit amoenissima tempestas illa quæ Pleiadum ortum juvenili apparatu prædicat, incassum virescunt arbores & gramina: In hoc naturæ veluti renascentis ludo, una cum ceteris animalibus & plantis homo senescit in dies, & donec ultimum attigerit irre-meabili viâ defertur ad occasum. Quisque suos habet in se reconditos hostes, quin dicam amat & fovet: extrinsecus etiam quasi agmine factò ruunt in ejus perniciem pestes acerrimæ; tempestatum & cœli maxime Parisini varietas, crapula medicorum nutrix, amor omnium pathematum syndrome, labor & quolibet labore deterius otium, curæ mentis individuae comites. Ipse calor insitus dum hospitis in modum humido excipitur, mox illius molitur exitium, sibi metum struit insidias, & Cadmico sæpius occumbit certamine. Natura minus noverca quam parens, tot ruinis exhausta subsidium

2

quærit quo quam facit jacturam faciat, & pro vario corporum statu in eligenda instaurationis ratione illius emicat solertia.

I I.

REFICIENDIS partibus comparatum est alimentum, quod editorum in lucem ore tractum, in ventriculo coctum, recoctum in hepate, inquinamentis omnibus in corde purgatum, in arterias, & ab his in abstrusiores corporis particulas rorismodo permeat, & ibi numeris omnibus absolutum, in earum naturam facessit. Hoc porro alimentum duplicis est generis, solidum & liquidum, quo quam solido repleri multo facilius est. Illud enim tardius & ægrius, hoc citius leviusque subit: utque inter solida primum panis, sic inter liquida vino assignamus. Utriusque vires si inter se conferas, antequam vis panis intro sese dare incipiat, jam vinum per cuncta partium meabile, calorem quasi divinum secum importans & vitæ spiritum, momento quoquo versum diffunditur, ita ut si quid mirum in sublunaribus, si quid in elementari mundo æthereum redoleat, vinum merito & ubique expetitur inter thesauros miseris mortalibus cœlitus concessos maximè sit reponendum. Abeant itaque abstemij, fugiant bezoardici, futiliumquè tot confectio num præcones, habes in mero cardiacum non injucundi gustus, nec eventus dubij.

I I I.

SUCCUS è maturis vitis domesticæ uvis expressus, coctus, & purgatus, vinum dicitur, quod mundi dimidiâ parte jam subactâ, trans maria ad novas regiones deportatum sic placet omnibus, ut quæ gentes divitiis circumfluunt eo defectæ se credant penitus egenas. Vitis mundo cœva Deum auctorem agnoscit, cultorem Nohemum, quam licet Hispania, Italia & nonnullæ aliæ nationes pro vernaculâ habeant, Gallia tamen acceptæ licet serius illius plantæ, sibi arrogat principatum. Hic studiosè colitur & hic jam communis mali existit singulare præsidium. Franci siquidem celerrimis animi moribus

& quolibet exercitiorum genere cum frequenter percellantur, presto ubique est promptissima hæc languentium medela & vires dejectas subito reparat. Vide, ne ænanthinum à labruscâ, ab immaturis uvis omphacinum, mulsum, mustum, ænodes, hydatodes meraco adjicias, vinum enim calidum humidum dotibus præfulgens splendidioribus, tibi aderit timoris pharmacum, senectutis solatium, somni illecebra, fomes spirituum, ingenij stimulus, mœroris spongia, potantium demum ingenio se se accomodans atque subserviens.

I V.

TENENDÆ rerum similibus dissimilitudines, hic segetes illic uvæ sælicius adolescunt, & ita solo se prebet natura facilem, ut licet ejusdem vitis radicem aut surculum alienæ terræ inferas, artem perdis & operam nisi solum analogiâ suâ faveat votis & foveat insitum. Quæque suos fructus effert plaga, ut quælibet mater etiam vitiosiores natos: testibus hifce ne fidito, vinum penitus defæcatum probat substantiæ nitor, optimæ coctum fragis genuinus sapor, grata & aromatica ad nares expiratio testatur tenuissimum. In colore natura ludit, prædictis tamen notis, si rubellus accedat, merum jucundius sumitur & citius coquitur. Ex nostratibus vinis album urinis & sudoribus movendis multum, parum nutritioni confert. Inter exotica, flavescens Hispaniæ patrium calorem arguit, & incendium, & sub cinere dolofo latet ignis in frontigniano. Scrutare demum quas mero luxuriantes terras fama elevat, Burgundiam, Franciam, Campaniam, nullam invenies nationem, nullum oppidum quod se falernum non dixerit, sed ne quid fallaris, unam adito campaniam.

V.

NULLA civitas cuilibet intuenti gratior Rhemenfi: diceres ad risum & delicias arte conditam, quippe patentibus in campis ad fluviolum sita æqualiter & penè in orbem montibus cingitur. Inde Tessiacum, Rillium, hinc sanctû Theodoricum

Tessi
Rilly
S. Thierry,

Verzenay,
proche Sil-
lery, Cha-
meti, Chi-
ni.

4

spectas, Verzenacum subinde, Camerā vini, Chiniacum & alios adjacentes prospicis colles: ubique choreas agit lyæus, & ubique artis & arbuti, solis & soli fausto concursu, vinum junctis perficitur dotibus, quas alij liquores non obtinent nisi solitarias. Vix tenuitati aeræ nonnihil pervadenti cedit ipsius substantia, crederes colorem esse cujusdam liquidioris rubinorum acervi: nihil illius odore fragrantius spirat Arabia, nec sapore nectar extulit suavius. Ab his absolutæ coctionis argumentis, læta omnia, nec timenda quæ deterioris vini usum sequuntur in commoda; nihil inde est quod in ipsis faucibus angat, quod sacræ mentis arci & imis sensibus inertiam torporemque diffundat, à quo micent pulsantque tempora, evertatur stomachus, incendantur viscera; vino ad vesperam indulseris, sequenti luce alacer redibis ad munia.

Ergo vinum Rhemense est omnium saluberrimum.

Afferebat PETRUS LAURENCEAU, Campanus.
A. R. S. H. MDCLXXVII.

P A R I S I I S,
Apud Franciscum Muguet, Regis & Illustrissimi Archiepiscopi
Parisiensis Typographum.